



Na osnovu člana 37. stav (1) Zakona o državnoj službi u Federaciji Bosne i Hercegovine („Službene novine Federacije BiH“, broj: 29/03, 23/04, 39/04, 54/04, 67/05, 8/06, 4/12, 99/15 i 9/17 - Presuda Ustavnog suda Federacije Bosne i Hercegovine, broj: U-13/16)) i u skladu sa članom 3. Pravilnika o jedinstvenim kriterijima i postupku izbora i prijema pripravnika sa visokom stručnom spremom u organe državne službe Federacije Bosne i Hercegovine („Službene novine Federacije BiH, broj 4/13) na zahtjev Kantonalnog tužilaštva/tužiteljstva Srednjobosanskog kantona/Kantona Središnja Bosna, Agencija za državnu službu Federacije Bosne i Hercegovine, *objavljuje*

**JAVNI KONKURS
za prijem pripravnika u
Kantonalnom tužilaštvu/tužiteljstvu
Srednjobosanskog kantona/Kantona Središnja Bosna**

I PRIPRAVNICI

01. Pripravnik – diplomirani pravnik, najduže na period do dvije godine – 2 (dva) izvršitelja

II USLOVI ZA PRIJAVU

Opći uslovi:

Kandidati moraju ispunjavati opće uslove iz člana 25. Zakona o državnoj službi u Federaciji Bosne i Hercegovine (u daljem tekstu: Zakon):

1. da je državljanin Bosne i Hercegovine;
2. da je stariji od 18 godina;
3. da ima univerzitetsku diplomu ili druge obrazovne ili akademske kvalifikacije najmanje VII stepena stručne spreme, odnosno visoko obrazovanje prvog, drugog ili trećeg ciklusa bolonjskog sistema studiranja, što se utvrđuje propisom kojim se uređuju poslovi osnovne djelatnosti i pomoćno tehnički poslovi i uslove za njihovo obavljanje u organima državne službe u Federaciji Bosne i Hercegovine;
4. da je zdravstveno sposoban/a za obavljanje određenih poslova predviđenih za to radno mjesto;
5. da u posljednje tri godine od dana objavljivanja upražnjenog radnog mjesta lice nije otpušteno iz državne službe kao rezultat disciplinske mjere na bilo kojem nivou vlasti u Bosni i Hercegovini;
6. da nije obuhvaćeno odredbom člana IX.1. Ustava Bosne i Hercegovine.

Posebni uslovi:

Pored općih uslova navedenih u javnom konkursu, kandidati moraju ispunjavati i posebne uslove, i to:

- VSS - VSS, VII stepen, pravni fakultet odnosno visoko obrazovanje pravne struke prvog ili drugog ciklusa univerzitetskog studija bolonjskog sistema studiranja (najmanje 240 ECTS).

Posebna napomena:

- Lice koje nakon stečene visoke stručne spreme ima ostvaren radni staž u struci od jedne godine ili više, ne može se primiti u radni odnos kao pripravnik.
- Radni odnos zasniva se najduže na period do 2 (dvije) godine. Izbor i prijem pripravnika će se izvršiti na osnovu jedinstvenih kriterija utvrđenih Pravilnikom o jedinstvenim kriterijima i postupku izbora i prijema pripravnika sa visokom stručnom spremom u organe državne službe u Federaciji Bosne i Hercegovine („Službene novine Federacije BiH“, broj 4/13).

III PRIJAVA NA JAVNI KONKURS

Prijavu na javni konkurs kandidati mogu podnijeti putem pošte, na adresu Agencije, u skladu s uslovima ovog javnog konkursa,

- **Putem pošte** – dostavljanjem uredno popunjenog i potpisanog obrasca prijave koji je objavljen uz ovaj konkurs na web stranici Agencije <https://ekonkurs.adsfbih.gov.ba> **zajedno** sa originalima ili ovjerenim kopijama sljedeće dokumentacije:
 - a) fakultetska diploma (nostrificirana ako fakultet nije završen u Bosni i Hercegovini ili ako je diploma stečena u nekoj od država nastalih raspadom SFRJ nakon 06.04.1992. godine),
 - b) uvjerenje fakulteta o prosjeku ocjena nakon završenog studija,
 - c) uvjerenje zavoda za zapošljavanje o dužini trajanja nezaposlenosti nakon sticanja diplome VSS/VII stepena stručne spreme ili prvog, dugog ili trećeg ciklusa visokog obrazovanja Bolonjskog sistema studiranja (ukoliko se kandidat nalazi na evidenciji zavoda),
 - d) ovjerena izjava data pod punom moralnom, materijalnom i krivičnom odgovornošću da nakon stečene visoke stručne spreme kandidat nema ostvaren radni staž u struci od jedne godine ili više,
 - e) rješenje o utvrđenom stepenu invalidnosti (ukoliko je kod kandidata utvrđen stepen invalidnosti 60 % i više).

IV VAŽNE UPUTE KANDIDATIMA

1. Prijava dobija šifru pod kojom podnosilac prijave učestvuje u daljnjem izbornom

- postupku. O dodijeljenoj šifri podnosilac prijave će biti obaviješten putem adrese e-pošte navedene u prijavnom obrascu.
2. Ovjerena fotokopija diplome o završenom visokom obrazovanju mora sadržavati napomenu da izvornik - diploma, sadrži suhi žig koji se na fotokopiji ne vidi. Ovjerene fotokopije diploma moraju sadržavati i potpise ovlaštenih lica. Sve ovjerene fotokopije diploma koje ne budu dostavljene na navedeni način bit će odbačene kao neuredne.
 3. Agencija može u svakoj fazi konkursne procedure zatražiti od kandidata na uvid originale priloženih kopija dokumenata koji služe u svrhu dokazivanja ispunjavanja uslova javnog konkursa. Ukoliko pozvani kandidat ne postupi po zahtjevu Agencije za provjeru izvornosti dostavljenih ovjerenih fotokopija dokumenata, bit će isključen iz konkursne procedure.
 4. Kandidat koji u bilo čemu ne postupi po navodima javnog konkursa bit će isključen iz konkursne procedure, bez mogućnosti ponavljanja propuštene radnje.

V OBAVJEŠTAVANJE KANDIDATA

O izvršenom izboru i prijemu pripravnika, ostvarenom rezultatu i redoslijedu na listi kandidata Agencija pismeno obavještava sve kandidate koji su učestvovali u javnom konkursu.

VI ROK ZA PODNOŠENJE PRIJAVE

Rok za podnošenje prijave je 15 (petnaest) dana od dana objave konkursa u dnevnim listovima (računajući od dana posljednje objave) .

Neblagovremene, nepotpune i neuredne prijave bit će odbačene.

Prijava se smatra blagovremenom ako je poslana preporučeno najkasnije posljednjeg dana roka predviđenog za podnošenje prijave, na adresu:

**Agencija za državnu službu Federacije BiH
Kolodvorska br. 6, 71 000 Sarajevo
s naznakom: "Javni konkurs za prijem pripravnika u Kantonalnom
tužilaštvu/tužiteljstvu SBK/KSB"
s pozivom na broj: 04-30-8-554/26**

DIREKTOR

Refik Begić, magistar uprave s.r.